

Մ. Դ. ՇԵՎԱԴՅԻՐՇՅԱՆ

ԴՐՎԱԳՆԵՐ ԿԻԼԻԿԻԱՅԻ ՀԱՅԿԱԿԱՆ ՊԵՏՈՒԹՅՈՒՆՈՒՄ


XIV դարի ՀԱՅ-ՎՐԱՑԱԿԱՆ ՀԱՐԱԲԵՐՈՒԹՅՈՒՆՆԵՐԻ

Հայ-վրացական բարեկամական հարաբերությունները իրենց դրսևորումն են գտել նաև Կիլիկիայում:

Այս հոդվածում ներկայացվում է երկու դրվագ, որոնք վերաբերվում են XIV դարի Կիլիկիայի Հայկական պետության արքունիքի հետ խնամիական կապեր հաստատած վրաց արքայազույններին և նրանց գործունեությանը¹: Առաջինը նվիրված է Գեորգի Պայծառափայլ (1299 և 1314-1346 թթ.) թագավորի խնամակալ, Մեծն Գեորգի իշխանի որդու՝ Դավթի ամուսնությանը Կիլիկիայի հայոց Օշին թագավորի քրոջ՝ տամուծել Ալիծի հետ (1311 թ.): Այս ամուսնությամբ իշխանազուն Դավթն ստացավ Կիլիկիայի Հայկական պետության կարևորագույն ամրություններից Կապան բերդը և նրա շրջակա բնակավայրերը: Բացի այդ, Դավթը ստացավ նաև կոմսի տիտղոս² և կոչվեց «Պարոն Դավթ գունթ Կապանի»: Այս ամուսինների որդիները և թոռները ժառանգաբար եղան Կիլիկիայի Հայկական պետության վերջին կես դարի մարաջախտները և սպարապետները: Ստորև ցույց է տրվում երկու տների խնամության կապերի աստիճանը:

¹ Կիլիկիայի Հայկական պետությանը վերաբերվող արձանագրությունների, արքունի պարզևագրերի, արտոնագրերի, մամուլագրությունների և այլ փաստաթղթերի ու արխիվային նյութերի բնագրերի մի մասը մինչև օրս պահվում է Վենետիկի, Ջենովայի, Վատիկանի, Տուրինի, Մաթայի, Նեապոլի, Պրովանսի, Սոնպելիեի, Մադրիդի, Բարսելոնայի, Արագոնի և Եվրոպայի այլ վայրերում գտնվող դիվանատներում կամ արխիվներում, ուստի զերծ է մնացել ժամանակի և պատերազմների ավերիչ հետևանքներից: Մինչդեռ Կիլիկիայի Հայկական պետությունից տեղում մնացած արխիվային բոլոր նյութերը որոշակի հանգամանքներում ոչնչացվել են և շատ քիչ բան է հասել մեզ: Նույնիսկ Սոսի Մեծի Տանն Կիլիկիո կաթողիկոսարանի մատենադարանում անգամ չի մնացել ներկայացվող նյութին վերաբերող որևէ ձեռագիր փաստաթուղթ: Տե՛ս V. Langlois. Essai historique et critique sur la constitution sociale et politique de l'Arménie sous les rois de la dynastie Roupenienne, les documents orientaux et occidentaux conservés dans les dépôts d'archives de l'Europe. St. Petersbourg, 1860, p. 21-37. Մ. Դ. Շեվափիրյան, Այսա նավահանգիստ քաղաքը Կիլիկիայում, «Պատմա-քանասիրական հանդես», 1973, թիվ 1, էջ 100:

² Ըստ ազատատիրական կարգի և իշխանության սանդղակի, ամենավերին աստիճանում գտնվում էր թագավորը, նրանից մեկ աստիճան ներքև՝ կոմսը: Վերջինս աստիճանով թագավորին ամենամոտ մեծ իշխանն էր:



Այս ամուսնության մասին հետաքրքիր տեղեկություններ է պարունակում Կիլիկիայի Հայկական պետության ավագ պարոն Թորոսի որդի Վասիլ ավագ մարաջախտի 1370-ական թվականներից գրել սկսված ժամանակագրությունը.

«Ի տյն ամի [201=1308] զնաց Օշին թագաւորն ի Թավրեժու դանն վասն երկրիս կարելայց որ և ար[ար] խնամութիւն ընդ Գորգէն թագաւոր վրաց ու այրին պոմն Թուխթ³ առաջի Ղանին, ԳՂաւիթ որդի վրաց թագաւորին ի հետ տամուծել Ալիծին փոքր քօրն Օշին թագաւորին, ու երբ ԳՂաւիթն ի հետն ու ի թուին 24 [1311]-ն արար հարսանիք ի 2 [6] յունուարն ի Տարսուս, ու երես սիգղով⁴ զԿապանն իր երկրովն, ու հաստատեց զպարոն Դաւիթն զունթ Կապնուն երկրին ... թագաւորէն տէր էվանէ արհիեպիսկոպոսն Սիւնեաց և պարոն Շահնշահ Աւաքն մարաջախտն վրաց, և այրին պոման, որ Հայոց սահմանով կենայ և ոչ [մի] քան ֆռանգութեան չինի յիր ամէնէն կենդանութեանն»⁵:

Ժամանակագրությունում հիշատակվող 1308 թ. «Թավրեժու դան»-ի պետության սահմանները պարփակում էին Պարսկաստանը, Միջագետքը, Փոքր Ասիան, Կովկասի հարավի և Կասպից ծովի արևելյան կողմի երկրները: Այդ պետությունը կոչվում էր Սոնդուների էլիսանություն, որի մայրաքաղաքը Թավրիզն էր: 1308 թ. մոնղոլների էլիսանն էր Օլջեյթուն (1304-1316 թթ.). նա հայտնի էր նաև հարքանդա խան անունով⁶: Թավրիզի մոնղոլ խաները խնամիական կապեր էին հաստատել վրաց արքունիքի հետ: Դեմետրե II Անծնուրաց թագավորի երեք կանանցից մեկը մոնղոլ արքունի ընտանիքից էր: Օլջեյթուն էլիսանի հորաքրոջ առաջին ամուսինը եղել էր վրաց Վախթանգ II (1289-1292 թթ.) թագավորը: Իսկ նրա երկրորդ ամուսինն էր Դավիթ VIII (1293-1311 թթ.) թագավորը: Վերջինս Գեորգի V Պայծառափայլի եղբայրն էր: Օլջեյթուն էլիսանը օգնել էր Գեորգի V-ին, որպեսզի նա վրաստանի բոլոր փոքր թագավորությունները միացնի իր տիրապետության տակ⁷:

Սոնդուլ էլիսանները խնամիական կապեր էին հաստատել նաև Կիլիկիայի հայ թագավորների հետ: Հեթում I թագավորի եղբայր Սմբատ սպարապետի երկրորդ կինը՝ Բխատախավոր խաթունը, սերում էր մոնղոլ էլիսանների արքունիքից: Նույնը կարելի է ասել նաև Սմբատ I (1297-1298 թթ.) և Թորոս (1293-1294 թթ.) թագավորների մասին: Կիլիկիայի Հայկական պետությունը դեռ Հեթում I թագավորի ժամանակից զինակցության դաշնագիր էր կնքել (1254 թ.) Սեծ Սոնդուլ կայսրության հետ: Սոնդուլ տիրակալները, իրենց զինակիցների հավատարմությունը և գործակցությունը ամրապնդելու

³ «Սրեցին պայմանի թուղթ», այսինքն՝ ստորագրեցին «պայմանագիր»:

⁴ «Երես սիգղով». տվեց սիգղով (sigillum, σιγλλον) կնքած պարզակազմով:

⁵ Վասիլ մարաջախտի ժամանակագրություն, հավաքեց Սրտ. Ս. Մաթևոսյան, «Պատմա-բանասիրական հանդես», 1963, թիվ 4, էջ 198: British Museum, Catalogue Or. 5458: Մաշտոցի անվան Մատենադարանում (այսուհետև՝ ՄԱ) պահվող միկրոֆիլմ, թուղթ 99բ-100ա:

⁶ Վ. Ս. Կակոբյան. Մանր ժամանակագրություններ. Ի. Ա. Երևան, 1951, էջ 391:

⁷ Գեորգի V Պայծառափայլ Բագրատունիանին 1327 թ. վրաց թագավորությանը միացրեց Իմերեթի իշխանությունը, իսկ 1334 թ.՝ Սամցխե-Սաաթաբազո իշխանությունը:

նպատակով, խնամիական կապերը խաջաձևում էին հայ, վրաց, սելջուկ և մոնղոլ արքունի ընտանիքների անդամներին իրար հետ ամուսնացնելով:

Ավագ մարաջախտ Վասիլի ժամանակագրությունում նշված վերոհիշյալ «Գորգեն թագաւոր վրաց»-ը պետք է լինի անջափահաս Գեորգի V Պայծառափայլ թագավորի խնամակալ իշխան Մեծն Գեորգին: Մոնղոլների էլխանը անջափահաս Գեորգի V-ին թագավոր ճանաչելու առթիվ, Մեծն Գեորգիին նշանակել էր «վերակացու և գործերը վարող» իշխան, այսինքն՝ Վրաց թագավորի և պետության խնամակալ: Անջափահաս Գեորգի V Պայծառափայլը մինչ չափահաս դառնալը, պետության լոկ անվանական թագավորն էր: Գործնականում երկրի ղեկավարը Մեծն Գեորգի իշխանն էր: Այդ մասին հետևյալն է գրել վրաց Անանուն ժամանակագիրը. «խանը դեսպան ուղարկեց Դավթի⁸ մոտ և պահանջեց, որպեսզի որդուն⁹ թագավոր դարձնի: Այն ժամանակ Գեորգին փոքր էր, նրան էլ տվին և ուղարկեցին Զորդա, խանը թագավորություն չընտրեց» և տվեց Տփղիսը, իսկ վերակացու և գործերը վարող նշանակեց Մեծն Գեորգիին: Եվ եկան Տփղիս: Այս տարին վախճանվեց Սամցխեի իշխան Բեքան...»¹⁰:

Ըստ նույն Անանուն ժամանակագրի տված տեղեկության, Սամցխեի իշխան և Գեորգի V-ի պապ Բեքան մահացել է Դավթ VIII-ից (1311 թ.) երեք տարի շուտ, այսինքն՝ 1308 թ.: Այդ մասին գրել է հետևյալը. «Սամցխեին տիրացան նրա երեք որդիները. անդրանիկը՝ Սարգիս, միջնակը՝ Ղվարղվարե, կրտսերը՝ Շալվա:

Երրորդ տարին վախճանվեց Դավթ VIII թագավորը՝ դառն ցավերից սպառված: Թաղեցին Սցխեի թագավորական հանգստարանում, նրա փոխարեն թողին որդուն՝ կրտսեր Գեորգիին, որին թագավոր էին դարձրել երկու տարեկանից»¹¹:

Օլջեթու էլխանի Մեծն Գեորգիին «վերակացու և գործերը վարող նշանակելու» և Գեորգի V Պայծառափայլին Տփղիսում Արևելյան Վրաստանի թագավոր կարգելու¹² իրադարձությունը հանդիպում է նույն՝ 1308 թ.: Դեռևս 1299 թ. մոնղոլները Գեորգի V Պայծառափայլին համարում էին թագավոր¹³: Դայ և Վրաց իշխանների մասնակցությամբ մոնղոլների դեմ 1295/6 թ. Դավթ

⁸ Դավթ VIII (1293-1311 թթ.) թագավոր Քարթլիի, եղբայր Վախթանգ III-ի և Գեորգի V Պայծառափայլի:

⁹ Մոնղոլ Օլջեթու էլխանը անջափահաս Գեորգի V-ին համարում էր իր «որդին» և հովանավորում նրան:

¹⁰ Վրաց ժամանակագրություն (1207-1318 թթ.), աշխատ.՝ Պարույր Մուրադյանի, Երևան, 1971, էջ 186:

¹¹ Նույն տեղում, էջ 187: Գեորգի VI Կրտսեր (1311-1313 թթ.), մահացել է թուրքերի դեմ պատերազմելիս:

¹² Նույն տեղում: XIII դարի վերջերին և XIV դարի սկզբներին, մոնղոլ գերիշխանության ներքո, Վրաց թագը անցել էր երեխա թագավորի ձեռքը: Այդ պատճառով Վրաց պետությունում ստեղծվել էր թագավորների անկայուն դրություն:

¹³ Սակայն դա ձևական բնույթ ուներ, քանի դեռ ողջ էին նրա թագավոր եղբայրները՝ Դավթ VIII-ը, Վախթանգ III-ը և Դավթ III- ի որդին՝ Գեորգի IV Կրտսերը:

VIII-ի ապստամբելու փորձից հետո վերջիններս այլևս նրան չէին վստահում որպես բարեկամի և դաշնակից թագավորի: Նա քաշվել էր Գվելեթի ամրությունը և բարեկամական հարաբերությունների մեջ մտել Ղազան խանի թշնամիների հետ:

1308 թ. մինչև 1310 թ. Վրաստանը գահակալ թագավոր չուներ¹⁴: Պետական գործերը վարում էր թագավորի լիազորությամբ Սեծն Գեորգին: Այդ պատճառով է. որ Կիլիկիայի Զայկական պետության ավագ մարաջախտ Վասիլի ժամանակագրությունում 1308 թ. դեպքերի կապակցությամբ, Սեծն Գեորգին անվանվել է «Գորգեն թագաւոր Վրաց»: Այս վերջինս չէր կարող լինել Գեորգի V Պայծառափայլը: Որովհետև «Գեորգի թագավորի» որդի Ղափիթը 1311 թ. պիտի ունենար տամուծել Ալիծին համապատասխանող տարիք: Տամուծել Ալիծը ամուսնանալիս 23 տարեկան էր, ուրեմն նրա փեսացու Ղափիթը ևս պետք է ունենար 23-ից ոչ պակաս տարիք: Իսկ Գեորգի V Պայծառափայլը նույնիսկ չէր հասած արբունքի:

Միջնադարյան գրավոր աղբյուրներում սովորի մեջ է մնացել Գեորգի V Պայծառափայլի և նրա խնամակալ Սեծն Գեորգիի 1308-1314 թթ. գործունեությունը: Ավագ մարաջախտ Վասիլի սույն տեղեկությունը որոշ չափով պարզաբանում է «թագավոր Վրաց» անվանված խնամակալ Սեծն Գեորգիի ու լինելը: 1308 թ. Թավրիզում պայմանագիր կնքող «թագավոր Վրացը» եղել էր հենց Սեծն Գեորգին:

Նման երևույթ նկատվում է նաև Կիլիկիայի Զայկական պետությունում, Զեթում II-ի ժամանակ: Վերջինս դեռ թագավոր չէր օծված, սակայն որպես թագավոր ղեկավարում էր պետությունը: Թեև Թորոս (1293-1294 թթ.) թագավորի մանկահասակ որդին՝ Լևոն III-ը (1301-1307թթ.), թագավոր էր օծվել, բայց պետության և թագավորի խնամակալը հանդիսանում էր «պարոն» Զեթում II-ը և կոչվում էր նաև «թագավոր»: Ուստի՝ զարմանալի չպետք է թվա, երբ XIII դարի վերջում և XIV-ի սկզբի ժամանակաշրջանում թագավորի լիազորությամբ գործող պետության և թագավորի խնամակալները Կիլիկիայի հայերի կողմից անվանվել են «թագավոր»: Այդ է պատճառը, որ ավագ մարաջախտ Վասիլ իշխանը վրաց խնամակալ իշխանին անվանել է «թագավոր»:

Ավագ մարաջախտ Վասիլի ժամանակագրությունում նշված «պարոն Շահնշահ Սաքն մարաջախտն Վրաց»-ը Սմանուն ժամանակագրի մոտ կոչվել է Շահնշե երկայնաբազուկ¹⁵ և նրա մասին գրված է հետևյալը. «Այս Օլջաթ

¹⁴ Գիշյալ ժամանակաշրջանի Վրաց թագավորների գահակալության թվականները ճշտելու նպատակով դիմեցինք վրացագետ-պատմաբան Պարույր Մուրադյանին, նրան մեր շնորհակալությունն ենք հայտնում արդի վրացերեն գրականությունում առկա թվականները բաղդատելու համար:

¹⁵ Իվանն II Երկայնաբազուկի որդի Շահնշահ II-ը ճանաչվում էր նաև «Շահնշահն 'ի Զայոց և Վրաց» կոչումով: Նա մահացել է 1320 թ.: 1300 թ. մասնակցել է դեպի Եգիպտոս Ղազան խանի կատարած մեծ արշավին: Ղազան խանի զինակից Զեթում II թագավորը ևս մասնակցել էր նույն արշավանքին և հետապնդելով մամլուկ սուլթան Մուհամմեդ իբն Ջալաուն էլ Նասրին, հասել էր մինչև Եգիպտոսի արդի համալիլի ջաղաքի մոտակա Ուադի-Տաուլա վայրը: Երկայնաբազուկ (Մխարգործիլի) Զաքարյանների մեծ իշխանական տան անդամները Վրաց արքունիքում ժառանգ-

սուլթանը, փոքրիկ զեորգիին (V Պայծառափայլ) թագավոր ուղարկեց և իորդասանցի ոմն Ձաալ Մելիք պարսիկի ու Չոփաճի հորեղբայր Ախրունչիին էլ հետևողական, որպեսզի ամբողջ Վրաստանը ի մի ժողովեն զեորգիի թագավորության ներքո: Եվ նրանք (արքունական ավագանին) նշանակեցին Շանշե եռկայաբազուկին և Ավագի դուստր խվաշագից ծնված Ձաքարիային»¹⁶:

Մի կողմից Վրաստանի միացյալ թագավորության դիրքի ամրապնդման, իսկ մյուս կողմից էլ Կիլիկիայի Դայոց պետության վրա եզիպտոսի մամուլկների գործադրած ճնշման պատճառով, հայոց և վրաց միջև ռազմաքաղաքական ասպարեզում մերձեցում էր ստեղծվել: Մարաջախտ Վասիլի ժամանակագրությունից պարզվում է, որ Օշին թագավորի և խնամակալ Մեծն զեորգիի միջև խնամական հարաբերությունների պաշտոնական հաստատումը տեղի է ունեցել 1308 թ. Ռավդիզում: Օլջեյթու էլխանի ներկայությամբ պայմանագիր է ստորագրվել Օշին թագավորի փոքր քրոջը՝ տաժուժել Ալիծին իշխանազուն Դավթի հետ ամուսնացնելու մասին: Դավթին՝ իբրև օժիտ և տիրույթ, տրվում էր «զԿապանն իր երկրովն, ու... գունթ Կապնուն երկրին»¹⁷ տիտղոսը:

Ժամանակագրությունը պարունակում է նաև այլ բնույթի տեղեկություններ: Դավթի և Ալիծի ամուսնության հարցը այնքան էլ հասարակ կերպով չի լուծվել դավանական տարբերությունների պատճառով: Առանձին պայմանագիր էր կնքվել՝ մի կողմից «տեր էվանե արհիեպիսկոպոսն Սիւնեաց և պարոն Շահնշահ Ակաքն մարաջախտ վրաց» և մյուս կողմից՝ փեսացու Դավթի միջև, որպեսզի նա ամուսնությունից հետո «Դայոց սահմանով կենայ և ոչ [մ]ի բան ֆռանգութեան չիմի յիր ա[մէ]ն կենդանութեանն»: Արանով էլ նա Կիլիկիայում ցմահ պետք է պահպաներ Դայ եկեղեցու դավանությունը և չլիներ կաթոլիկ կամ լատինամոլ կուսակցության կողմնակից: Դա էր Սյունիքի Դոփիաննես Ժ Օրբելյան (1304-1324 թթ.) արքեպիսկոպոսի¹⁸ և վրաց ավագ մարաջախտ Շահնշահ II ամիրսպասալարի պահանջը Դավթից:

Դջսուհի Ալիծը 1316 թ. 28 տարեկան հասակում մահանում ու թաղվում է Տաքսունում, իր Ալինախ եղբոր տիրությամբ¹⁹: Մեկ տարի անց, 1317 թ.,

զաբար ստանձնել էին ամիրսպասալարի (սպարապետի) և պետական այլ քարծր պաշտոններ: Սիջնադարյան վրաց գրավոր աղբյուրներից «Կարգադրումն արքունի դրան» պատմաիրավաբանական վավերագրում նշված է վրաց արքային ենթակա 12 մեծ իշխանների (թարգմանված է «արքա») նստելու տեղը արքունի դիվանատում: Դայոց մեծ իշխանը նստում էր 9-րդ թագմոցի վրա:

Գ. Աճառյան. Դայոց անձնանունների բառարան, հ.Գ, էջ 111: Լ. Մելքիսեթ-Բեկ, Վրաց աղբյուրները Դայաստանի և հայերի մասին, հ. Բ, Երևան, 1936, էջ 71-72:

¹⁶ Վրաց ժամանակագրություն, էջ 187:

¹⁷ Կապանի կոմսություն:

¹⁸ Դոփիաննես Ժ Օրբելյան արքեպիսկոպոսը հաջորդել է պատմագիր Ստեփաննոս Օրբելյանին (+ 1304 թ.): Նրա մասին տե՛ս Գ. Աճառյան, Դայոց անձնանունների բառարան, հ. Գ, Երևան, 1946, էջ 609-610:

¹⁹ Օշին թագավորի հետ երկվորյակ ծնված պարոն Ալինախ իշխանի տիրությունների մեջ էին գտնվում Լամբրոնի, Կուլակի, Սուլանի բերդերը և Տաքսոն բերդաքաղաքը՝ իրենց շրջակա վայրերով:

Տարսոնի գետում ծիու հարվածից մահանում է նաև արքանդեայր պարոն Ալինախը և թաղվում Տարսոնում: Հետում II, Սմբատ I, Կոստանդին II, և Օշին թագավորների քույր, Կապանի կոմսուհի տամուծել Ալիծի տապանաքարը գտնվում էր (1861 թ.) Տարսոնի Ս. Աստվածածին եկեղեցու դռան վրա²⁰: Տապանաքարի վրա քանդակված է եղել ծաղկազարդ մի խաչ և Կապանի կոմսության զինանշանը: Դա ձևավորված է եղել դաշտի վերևի ծախ անկյունից դեպի ներքևի աջ անկյունը իջնող մի երիզով (Bande, Переясъе полоса): Տապանաքարը ունեցել է 1,44 մ X 0,48 մ մակերես: XX դարի սկզբին տապանաքարը տեսած Ադան եպս. Համամնյանն իր նոթերի մեջ գրել է հետևյալը. «Տարսոնի Ս. Աստվածածին տաճարի պարսպին հյուսիսային կողմը, գրեթե կից պարիսպին, կա մի ցածկեկ գերեզման, որուն տապանաքարին վրա չորս կողմը գրված է հետևյալը (թեև այդ քարը ի վերջո Գրիգոր անուն վարդապետի համար գործածված է իբրև տապանագիր և անոր անունն ալ վրան փորագրված է մեջտեղը).

Որ վասն անչափ սիրոյ քոյին
Բանդ ի Կուսէն առեր մարմին,
Աղաչանաւք Աստուածածնին,
Թող ըզյանցանսըն զԱլիծին.
Յոր եւ յանգեաւ ի մեծ թվին
ՉԿե-ին
Յորժամ գայցես յաշխարհ կրկին՝
Յարոյ զսա փառաւք քոյին. Ամեն»²¹:

Տապանաքարը պատրաստված է եղել քառանկյունի սպիտակ և ընտիր մարմարից: Վերոհիշյալ արձանագրությունը եղել է ցածրադիր գերեզմանաքարի եզրերով անցնող շրջագծում, բոլորգրով²²: 1861-1903 թթ. միջև այդ գեղեցիկ և պատմական նշանակություն ներկայացնող տապանաքարը,

²⁰ V. Langlois, Voyage dans la Cilicie et dans les montagnes du Taurus, Paris, 1861, p. 321. Դ. Ալիշան, Վեներիկ, 1885, էջ 272:

²¹ Բաբգեն Ա Աթոռակից Կաթողիկոս Սեծի Տանն Կիլիկիո, Պատմություն կաթողիկոսաց Կիլիկիո, Ամթիլիաս, 1939, էջ 186-187: Դ. Ալիշան, Սիսուան: V. Langlois, Rapport sur l'exploration archéologique de la Cilicie et de la Petite-Arménie, 1852-1853, Paris, 1854, էջ 35: Վ. Լանգլուան սխալմամբ Ալիծը ընթերցել է Ալիքս և գրել «Alexis» ձևով: Աս. Շ. Մնացականյան, Գեղարուհի Ալիծ Տարսոնացի, «Լրաբեր հասարակական գիտությունների», 1975, թիվ 10, էջ 98: Ն. Պողարյան, Մայր ցուցակ ձեռագրաց Սրբոց Հակոբյանց, հ. 2, Երուսաղեմ, 1972, էջ 119: Սա գտնվում է 1798 թ. հետո ընդօրինակված ձեռագիր «Ժողովածուում»: Ադան եպիսկոպոս Համամնյանը ազգանվեր գործ է արել արձանագրություններ, հիշատակարաններ և հնություններ նկարագրելով: Նա 1903 թ. հոկտեմբերին գրել է. «Ամբողջովին տասներկու ձեռագիրներ Պեհեսմիու եկեղեցուն սեփական ցուցակագրեցի և հիշատակարաններն ընդօրինակեցի: Ամբողջովին Ա. Փրկիչ եկեղեցվում դարակին մեջ գետեղել տվի»: (Համագասպ Ռսկյան, Յուցակ ձեռագրաց ի Հանդես Ամսորեա, Վիեննա, 1976, էջ 97բ):

²² Բաբգեն Ա, նշվ. աշխ., էջ 186: Աս. Շ. Մնացականյան, նշվ. աշխ., էջ 98:

Տարսոնի Ս. Աստվածածին եկեղեցու դռան վրայից հանվելով, օգտագործվել է երկրորդ մի անձնավորության, մի Գրիգոր վարդապետի համար որպես գերեզմանաքար: Դա հավանաբար պիտի լիներ Տարսոնի վարդապետներից մեկը: Արքայական տապանաքարը եկեղեցու դռան վրա ագուցողները նպատակ են ունեցել այն փրկել կորստից և պահպանել ապագա սերունդների համար, իբր փառավոր անցյալից մի հիշատակ: Սակայն՝ հետագայում, տգիտության պատճառով, մոռացվել էր Ալիծի ով լինելը, և գերեզմանաքար պատրաստելու համար եղծվել է հուշարձանը: Տարսոնի Ս. Աստվածածին եկեղեցին մինչև 1922 թ. գործում էր և ներկայացնում մի տեսակ թանգարան, ուր պահվում էին Կիլիկիայի Դայկական պետության ժամանակից մնացած և հնագիտական արժեք ներկայացնող վիմազիր հայերեն արձանագրություններ: Դրանց թվին էր պատկանում Տարսոն բերդաքաղաքի արևմտյան կողմի Կանճըլ-կափը կոչվող դռան վրայի 1228 թ. Դեթում I թագավորի վերանորոգության արձանագրության քարը²³: Այնտեղ էր գտնվում նաև 1319 թ. Լամբրոնի մոտակա, այժմ Սինապկալե կոչվող բերդի դռան վիմազիր արձանագրությունը²⁴, 1270 թ. մահացած ոմն ազնվական Ստեփաննոսի խաչարձանը²⁵ և այլ արձանագրություններ: Տարսոնի Ս. Աստվածածին եկեղեցին 1922 թ. Կիլիկիայի հայոց բռնագաղթից հետո գրավվել է տեղի թուրք իշխանությունների կողմից և վերածվել աղքատ վարժարանի, իսկ 1927 թ. վարժարանը փակվել է և քանդվել մինչև հիմքերը: Դայոց եկեղեցու և նրա մեջ գտնվող հայ ժողովրդի հոգևոր արժեքների հետքը կորստի մատնելու նպատակով, քարերի մի մասը գործածվել է շինությունների համար, իսկ մյուս մասը թաղվել նույն տեղում:

Տարսոնի Ս. Աստվածածին եկեղեցին գտնվում էր արդի Թարսուս գյուղաքաղաքի Ուլու-ճամի (միջնադարի հայոց Ս. Սովի Մայր տաճարը) մզկիթին կից և նրա ճիշտ արևելյան կողմի ծայրին: 1957 թ. եկեղեցու տեղում կար բացօթյա մի ավտոտնակի հրապարակ: Միա այսպես կորստի մատնվեց արքայադուստր Ալիծի դարավոր տապանաքարը:

XIII-XIV դդ. Տարսոն բերդաքաղաքը Լևոն III-ի, Դեթում II-ի, Օշինի, Ալիծի, Ալինախի և բազմաթիվ այլ թագավորների ու իշխանավորների համար սրտամոտ մի բնակավայր էր: Այնտեղ էին օծվում, ամուսնանում, մահանում և թաղվում:

Մինչև օրս էլ պարզված չէ տամուծել Ալիծի մոր ինքնությունը: Լևոն III թագավորի կինը՝ Կեռան թագուհին, մահացել է 1285 թ. օգոստոսի 9-ին, մենաստանում, և թաղվել Դրազարկի վանքում: Նրա մահից երեք տարի անց, 1288-ին, ծնվել է Օշինի փոքր քույր Ալիծը: Ուստի Օշին թագավորը և տամուծել Ալիծը զավակներ են եղել նույն թագավոր հորից և տարբեր մայրերից: Դայ

²³ V. Langlois. Rapport..., p. 34. Դ. Ալիշան, Սիսուան, էջ 270: Արշակունիի Թեոդիկ, Ամիս մը ի Կիլիկիա, Կ. Պոլիս, 1910, էջ 199, 202: Մատենադարան «Արաքսի», Կիլիկիա, Պետերբուրգ, 1894, էջ 211:

²⁴ V. Langlois. Rapport..., p. 36. Դ. Ալիշան, Սիսուան, էջ 273: Ա. Թեոդիկ, նշվ. աշխ., էջ 199, 202:

²⁵ V. Langlois. Rapport..., p. 35. Դ. Ալիշան, Սիսուան, էջ 271:

մատենագրությունը Ալիծի մոր ինքնության մասին պահպանում է խոր լռություն: Ըստ երևույթին պատշաճ չի համարվել այդ մասին հիշատակելը: Ալիծի ծնունդից մեկ տարի հետո մահացել է Լևոն III թագավորը: Կարելի է ենթադրել, որ Լևոն III-ի երկրորդ կինը եղել է հարձ կամ ծագումով ոչ քրիստոնյա, և միջին դարերում դա համարվում էր ոչ օրինական միություն: Դրա համար էլ գրավոր աղբյուրներում Ալիծի մասին, իբր արքայադստեր, տեղեկություններ չկան: Սակայն բանասեր Աս. Ե. Մնացականյանի և մեր պրպտուիմները զուգադիպեցին իրար և հանգեցրին այն համոզման, որ Տարսոնում գտնված վերոհիշյալ տապանաքարը իսկապես պատկանել էր արքայադուստր Ալիծին: Աս. Ե. Մնացականյանը բարյացակամորեն ինձ տրամադրեց 1608-1658 թթ. Դրիմի Կաֆա քաղաքում արտագրված և այժմ Մաշտոցի անվան Մատենադարանում գտնվող թիվ 7709 ձեռագիր ժողովածուում (թերթ 161բ) հայտնաբերած ոտանավորի պատճենը, որը նույնական էր Տարսոնում թաղված արքայադուստր Ալիծի տապանաքարի արձանագրության հետ: Ոտանավորի և Ալիծի տապանաքարի արձանագրության բնագրերը գրված են միևնույն հեղինակի կողմից, այսինքն դա «Ոտանաւորը Լեւոն թագաւորին դստերն զԱլիցին» ոտանավորի հեղինակի ստեղծագործությունն է:

Ոտանավորում գոյություն ունի մի քառյակ ևս, որը նախորդել է տապանաքարի բնագրին.

Ողջոյն սիրոյ առ ձեզ հասցէ
Ի հեռուստ այսմ աշխարհէ.
Սկըսիմ խաւսել զոր միտս բաւէ,
Ձքեզ գովել փոքր ի շատէ²⁶:

Տապանաքարի և ոտանավորի բնագրերի նույնությունը անառարկելի ապացույց է դրանց՝ Ալիծին պատկանելու մասին: Մեզ հասած գործերից դատելով, շնորհաշատ արքայադուստր է եղել Ալիծը, նա գրել է ոտանավորներ (ոտանավորը): Աս. Ե. Մնացականյանի հետ եկանք այն եզրակացության, որ XIV դարում Տարսոնում գեղագրությամբ զբաղվող «գրագիր յոյժ հմուտ» Ալիծը ևս նույն արքայադուստրն էր, որը գրել է.

Օայրըն Ձա-յին, ծակըն Օա-յին՝
Չի՛ նըմանիր գիրն Ալիծին.

.....
.....
Ձծայրըն Ձա-յին, զծակըն Օա-յին,
Լա կու լինի փեսայ Ալիծին.

.....
.....

²⁶ ՍՄ, ձեռ. թիվ 7709, էջ 161բ: Աս. Ե. Մնացականյան, Ըշվ. աշխ., էջ 97: Տե՛ս նաև ՍՄ, ձեռագիր ժողովածու, թիվ 3206, էջ 157ա:

Օայրըն Չա-յին, ծակըն Օա-յին՝
Կու նըմանի գիրն Ալիծին²⁷։

Գեղագիր Ալիծի և արքայադստեր լեզուն և տաղաչափությունը համապատասխանում են իրար։ Կարելի է համաձայնել այն մտքի հետ, որ մույն թիվ 7709 ձեռագիր ժողովածուի (եջ 93բ-94ա) «Աւաղ, զԼեոնն ասեն» ժողովրդական երգը ևս Ալիծի ստեղծագործություններից է։

1308 թ. Թավրիզում տամուծել Ալիծի և իշխանագուն Ղավթի ամուսնության պայմանագիրը ստորագրվելուց հետո, Ղավթը երեք տարի հյուրընկալվում է Սսի պալատում։ Մինչև հարսանիքը (1311 թ.) նա ծանոթանում է հայոց սովորություններին, դավանանքին, կարգ ու կանոնին և այն ամեն ինչին, որը պարտավորվել էր հարգել Սյունյաց եպիսկոպոսի, Գայոց և Վրաց Շահնշահ II ամիրսպասալարի առաջ։ Ըստ երևույթին՝ Ղավթը սովորել է մասն հայերեն գրել։ Դա է հուշում Ալիծի ռտանավորը։ Ալիծը պայման էր դրել՝ իր ձեռքը խնդրող փեսացուները պարտադիր կերպով գեղագիր պետք է լինեին։ Ուսանավորի վերջին մասից պարզվում է, որ Ալիծը ամուսնության հավանություն է տվել թեկնածուներից մեկին, որի

Օայրն Չա-յին, Օակըն Օա-յին՝
Կու նըմանի գիրն Ալիծին։

Դա եղել էր Ղավթը։

Շարունակելի

²⁷ Ղ. Ալիշան, Սիսուան, էջ 520։ Տե՛ս նաև՝ Վ. Գաջունի, Գայուհին պատմության առջև, Վենետիկ, 1936, էջ 353։ Լ. Պողարյան, Մայր ցուցակ ձեռագրաց Սրբոց Գալոբյանց, հ. 2, էջ 118։